



**Politička organizacija građana "Naša stranka"**  
Branilaca Sarajeva 5/1, 71 000 Sarajevo  
Telefon: 033 408 888; Fax: 033 408 881  
E-mail: [nasastranka@nasastranka.ba](mailto:nasastranka@nasastranka.ba)  
Web: [www.nasastranka.ba](http://www.nasastranka.ba)

**Nasiha Pozder**

Zastupnica u Zastupničkom domu Parlamenta Federacije Bosne i Hercegovine  
Sarajevo, **09.07.2020.**

**Dostaviti:**

Bosna i Hercegovina  
Federacija Bosna i Hercegovina  
Parlament Federacije BiH – Zastupnički dom  
n/r Mirsad Zaimović, predsjedavajući

Uputiti: **Vlada Federacije BiH**

**PREDMET: Zastupnička inicijativa**

Poštovani,

Na osnovu člana 11. Poslovnika Zastupničkog doma Parlamenta Federacije Bosne i Hercegovine („Službene novine Federacije BiH“, broj 69/07 i 2/08), Vladi Federacije BiH (u nastavku teksta – Vlada) upućujem zastupničku inicijativu za **hitno poništenje Odluke o davanju na privremeno korištenje poslovnih prostora u Visokom Stranci demokratske akcije - Općinski odbor Visoko** (Službene novine Federacije BiH, broj 45/20).

**OBRAZLOŽENJE:**

Vlada je na svojoj 226. sjednici dana 18.06.2020. godine donijela Odluku o davanju na privremeno korištenje poslovnih prostora u Visokom Stranci demokratske akcije - Općinski odbor Visoko. Pri tome se u pravnom osnovu odluke pozvala na član 115. stav (2) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) koji glasi:

*„Vlada Federacije, odnosno vlada kantona i općinski načelnik, odnosno gradonačelnik odlučuju o raspodjeli (davanju) nepokretnih stvari na korištenje organima uprave i upravnim organizacijama, o davanju tih stvari na privremeno korištenje, u zakup, ili na poslugu drugim organima vlasti, uz naknadu, ili bez naknade, ili uzimanju na privremeno korištenje, ili u zakup, ili na poslugu nepokretnih stvari o čemu se donosi posebna odluka, a prava i dužnosti utvrđuju se ugovorom.“*

Stranka demokratske akcije - Općinski odbor Visoko prema Zakonu o organizaciji organa uprave u Federaciji Bosne i Hercegovine (Službene novine Federacije BiH, broj 35/05) ne može biti organ uprave. Ovaj zakon u svom članu 4. čak navodi da se rad organa uprave između

ostalog zasniva na političkoj nezavisnosti. Također, Stranka demokratske akcije - Općinski odbor Visoko nije ni upravna organizacija jer Zakonu o organizaciji organa uprave u Federaciji Bosne i Hercegovine u članu 40. navodi da su Federalne upravne organizacije federalni zavodi, federalne direkcije i federalne agencije. Stranka demokratske akcije - Općinski odbor Visoko ne obavlja ni funkcije organa vlasti, pa zbog svega navedenog ne može biti privremeni korisnik poslovnih prostora iz Odluke broj 45/20.

Vlada je na ovaj način izašla iz okvira propisanog Zakonom o organizaciji organa uprave u Federaciji Bosne i Hercegovine, pa je neophodno da hitno poništi navedenu odluku.

S poštovanjem,



**Nasiha Pozder**